

ما رننگ گو جری نیو ز بلیٹن مو رخہ 9 اگست 2026

یوہ آکا شوانی جموں ہے عبدالرحمان تیں خبر سُنو۔

CM POK

وزیر اعلیٰ عمر عبداللہ نے کہیو ہے کہ جموں کشمیر غا لیڈراں غو 80 سال پہلاں لیو گیو فیصلو درست تھو، اُس دوران دتی گئی قربانیاں نانہ یا د کرتاں واں وزیر اعلیٰ نے یاہ گل سرینگر مانہ یوم آزادی غا موقع ور اپنا خطاب غے دوران کہی۔ کنٹرول لائین غے پا ر غی صورتحال غو حوالو دیتاں واں اُنہاں نے کہیو جے یوہ درد تے پریشانی غو باعث ہے۔ اِس اُمید غو اظہا رکرتاں واں جے اُت رہن آلا لوک اک دن جموں کشمیر مانہ دوبا رہ شامل ہون غی کوشش کریں گا، اُنہاں نے کہیو جے یوہ خطو جموں کشمیر غو ہے تے اِس غا لوگ مہارا اپنا ہیں۔ وزیر اعلیٰ عمر عبداللہ نے جمہو ریت تے وفاقیّت نانہ بھارت غی 2 سب تیں بڑی طاقت قرار دیتاں واں دواں نانہ ہر حال مانہ محفوظ تے مضبوط کرن غی ضرورت ور زور دتو۔

Hideout Busted

حفاظتی دستاں نے ضلع پونچھ غا بفلایز علاقہ مانہ اک مشتبہ ٹھیکانہ غو پتو لایو ہے تے اُتوں اصلحو بارود تے دھماکہ خیز مواد غو زخیرو برآمد کیو ہے۔ آکاشوانی جموں غا نامہ نگار نے دسیو ہے جے پولیس غے مطابق اک خفیہ اطلاع ور کا روائی کرتاں واں فوج غی 16 راشٹریہ رائفلز نے جموں کشمیر پولیس غا خصوصی آپریشن گروپ ایس او جی غی اک سانجھی ٹیم نے علاقہ مانہ تلاشی مہم شروع کی۔

تلاشی اُپریشن غے دوران حفاظتی دستاں نے اک گملا قسم غی آئی ای ڈی ، اک
گول طرح غی آئی ای ڈی 4 چھوٹی آئی ایڈیز، اک چھوٹو مٹرولا سیٹ، 1 اے کے 47
رائفل تے 7 گولیں برآمد کی گئی ہیں۔

NR Samba

شمالی ریلوے نے کل تیں سانہ ریلوے سٹیشن ور 6 بڑی ریل گڈیاں غو رُکنو بحال
کر دتو ہے ۔ جس سنگ ضلع سانہ مانہ رابطہ نانہ بڑو فروغ ملیو ہے ۔ ممبر پا
رلیمنٹ جُگل کشور شرما تے ممبر اسمبلی سُرجیت سنگھ سلا تھیہ نے ٹرین نمبر
20434 نانہ سانہ سٹیشن ور ہری جھنڈی دسی۔ بحال کیا گیا سٹا پیج مانہ ریل
گڈیں 16317، 14804، 14803، 16787، 20434 تے 16031 شامل ہیں ۔ شمالی ریلوے
نے یوہ وی اعلان کیو ہے جے ریل گڈیں 19223 تے 19224 اس سال اکتوبر تیں
سانہ مانہ رُکا کرینگی۔ توقع ہے کہ اس قدم سنگ مقامی تا جراں ، طلباء، تے حجاج
کرام نانہ فائدو پُجے گو ۔ مسافر این ٹی ای ایس یاہ ریلوے امدادی لائن 139 غے
ذریعے ریل گڈیاں غا اوقات چیک کر سکیں۔

Buddha Amarnath Yatra

بابا بُڈا امرناتھ جی غی 12 تیہاڑاں ور مشتمل سالانہ یاترا پلک تیں شروع ہو رہی
ہے ، جہیڑی جے 28 اگست تک جا ری رہ گی۔ جموں غا بھگوتی نگر یاتری نواس تیں
پلک سویرے پہلو جتھو پونچھ واسطے روانہ وے گو ۔ حُکام غی طرفوں یا ترا غی
خاطر تمام ضروری انتظام بشمول حفاظت مکمل کر لیا گیا ہیں۔ جس مانہ رستہ ور
پولیس تے نیم فوجی دستاں غی تعیناتی وی گئی ہے ۔ ضلع انتظامیہ غی طرفوں

تمبو، کمیونٹی رسوئی، گڈی کھلی کرن غی جگہ تے طبی سہولیات غو انتظام کیو
گیو ہے۔ پہلاں تیں اندراج کران غی سہولت وی وقف کیا گیا پورٹل ور دستیاب کرائی
گئی ہے۔ یا ترا غا سلسلہ مانہ ٹریفک پولیس غی طرفوں جموں تیں پونچھ اور
پونچھ تیں جموں واسطے اک ایڈوائزری جا ری کی گئی ہے۔

Rana Poonch

جل شکتی غا وزیر جاوید احمد رانا نے ضلع پونچھ غا قاضی موڑا تے جولاں غا
بسینکاں نال ملاقات کی تے اُت غابالیہ سیلاب تے پسی پین غی وجہ نال پیدا ہوا
حالات غو جائزو لیو۔ اُت غا بسینکاں نے تولاں خراب ہوئی سڑکاں، پانی سپلائی تے
آپاشی غا ڈھانچہ نانہ درست کرن غی اپیل کی۔ جولاں مانہ لوکاں نے پین غا
پانی غی قلت غو معاملو چایو تے متاثرہ پانی سپلائی سکیمیں نانہ بحال کرن غی
اپیل کی۔ اُنہاں نے جنگلات حقوق قانون غی موثر نفاذ کا ری مانہ وی اُن غی
حمایت منگی۔ وزیر موصوف نے لوکاں نانہ یقین دویو ہے جے اُن غی شکایات نانہ
ترجیح بنیا داں ور دیکھیو جائے گو تے ویلے سر اِن غو نمیزو کیو جائے گو۔

JMC Jammu Run

جموں میونسپل کارپوریشن غی طرفوں اج اک کمیونٹی دوڑ "جموں رن فار یونٹی
" غو انعقاد کیو گیو۔ 5 کلو میٹر تے 10 کلو میٹر ضمراں ور مشتمل یاہ دوڑ گول ما
رکیٹ تے اپسرا روڈ تیں بوتیاں واں گزری جس نے ایکتا، صفائی ستھرائی تے شہریاں
غی ذمہ داریاں بارے پیغام عام کیو۔ جموں غا صوبائی کمشنر رامیش کمار، جے
ایم سی کمشنر ڈاکٹر دیوانش یادو، بزرگ شہریاں، افسراں تے بڑی تعداد مانہ

عام لوکاں نے اِس دوڑ مانہہ شرکت کی۔ اِس دوڑ نے شری امرناتھ یا ترا غے پیش
نظر صفائی ستھرائی نانہہ برقرار رکھن، ماحولیات نانہہ بچان غی اہمیت اُجاگر کی۔

Weather

محکمہ موسمیات نے پیشنگوئی کی ہے جے آن آلا ہفتہ غے دوران مرکزی زیر انتظام
علاقہ جموں کشمیر غی بہت ساری جگہاں ور ہلکی تیں درمیانہ درجہ غی بارش
ہون تے گرج چمک غو امکان ہے۔ اج تے پلک کجھ مقامات ور تیز بارش غا مختصر
وقفہ غو امکان ہے، خاص طور ر ور صبح سویرے تے دیر شام غا وقتاں مانہہ اج تیں
19 اگست تک جموں صوبہ غا کجھ ضلعان مانہہ کئی مقامات ور اسے طرح غو
موسم متوقع ہے۔ کشمیر صوبہ مانہہ الگ تھلگ جگہاں ور شدید بارش ہو سکیں۔
لوکاں نانہہ موسلا دھار بارشاں غے دوران مہٹاٹ رہن غو مشورو دتو گیو ہے۔

اس غے نال ہی خبراں غو یوہ بلیٹن ختم ہوئو۔
